

DOKAGBESISINA Musa takada sɔɔrodee

30

Dii Isarailinɔ sɔkpana n̄ gwena ziin

¹ Tó aubarika kɔn kana yā kè má diεaree kèkiinɔ a le píngi, àgɔ dɔn borii kè Dii a Luda é péawa à a fãakɔa n̄ ténɔ guu. ² Tó apinɔ kɔn a nénɔ èara wà aε dɔ Dii a Ludaa, tó a à yā kè mée diεare gbàa mà píngi kɔn nòseɔ do kɔn pɔyezinao, ³ Dii a Luda é a wènda gwa, eé eara à a kakɔa zaa borii kè à a fãakɔa n̄ ténɔ guu à suao a gwena ziin. ⁴ Baa tó à pèawa à a fãakɔa bùsu kè aɔ kú ai anduna léanɔ guu, eé a boriinɔ kakɔa gwe à suńyo. ⁵ Eé earańyo bùsu kè de aɔ dezinɔ pɔ ũu guu. Tó aɔ bùsu pì kù, eé aubarika dańgu, eé tó aɔ pari kù de n̄ dezinɔla. ⁶ Dii a Luda é a swè pípiare kɔn a boriinɔ, a ninii égɔ yezi kɔn nòseɔ do le àgɔ kú wèndio. ⁷ Dii a Luda é láari kèkiinɔ zĩ a ibeε kè aɔ zàagu aɔɔe wée tãaawaanɔa, ⁸ é eara à Dii yā ma àgɔ zĩ keε kɔn à yãdiεna kè mée ooare gbàanɔ. ⁹ Dii a Luda é aubarika daagu a zĩ píngin, eé tó a nénɔ kɔ kɔn a pókãdeenɔ kɔn a bura pónɔ. À pɔɔ é eara à keawa nna, eé à maaa keare lán à pɔɔ kè nna a dezinɔa nà. ¹⁰ Tó a Dii a Luda yā mà a à ɔɔkii gwà bensɔ á à yãdiεna kè aɔ kú doka takada kèkii guunɔ kúna, tó a aε dɔ Dii a Ludaa kɔn nòseɔ do kɔn pɔyezinao, eé beenɔ keare píngi.

Wèndi ke gaa

11 Yā kè mée diεεare gbàa pì zī'ūu de a gbāa lélaro. À s̄o z̄aaoro. 12 À kú ludam̄ero, gbasa à be, dé bé eé gá ludam̄e à pitao le à ma à zīi kea. 13 À kú ísīaa baa k̄aa kpar̄o, gbasa à be, dé bé eé bikū ísīaa baa à suo le à ma àḡō kūna. 14 Yā pì kúao k̄īk̄ī, à kú a lén k̄ōn a n̄s̄eo le à e à zīi kea. 15 À ma! Mée w̄endi k̄ōn yā maaao diεε a are gbàa k̄ōn gaao k̄ōn yā zaaao. 16 Mée diεεare gbàa, àḡō ye Dii a Ludazi àḡō té à k̄ēs̄egbezi, à à ɔɔk̄ii gwa àḡō à yādienan̄o k̄ōn à dokayān̄o kūna, le àḡō kuu à pari kū, Dii a Luda é aubarika daagu b̄usu kè ée gaa sí guu. 17 M̄ode tó a kp̄εε l̄ine bens̄ō ée à yā maro, tó a k̄ea bens̄ō a tāan̄o gb̄àgb̄a a d̄onzi k̄ēn̄e, 18 mée ooare gbàa, a kaaten̄ gwe! É ḡi ke b̄usu kè ée bikūu Yodaa ée gaa sí guuro. 19 Ludam̄e k̄ōn t̄ōteon ma s̄eedadeen̄o ū gbàa a yā musu. Ma w̄endi k̄ōn gaao diε a are, aubarika yān̄o k̄ōn kana yān̄o. À w̄endi sé le apin̄o k̄ōn a n̄ēn̄o e àḡō kuu. 20 Àḡō ye Dii a Ludazi àḡō à yā maa à naa, zaake àmbe a w̄endi ū. Eé tó à ḡi ke b̄usu kè à la dà a dezi Ibraī k̄ōn Isaakuo k̄ōn Yakubuon̄e, à bè é kp̄ám̄ma guu.

31

Ȳosua diena Musa ḡēē ū

1 Kè Musa yā k̄ēkiin̄o ò Isarailin̄e à yāa, 2 à bè: Tia la ma ka w̄ē basw̄eedo, mé f̄ō mà d̄bare ae d̄ro. Dii bèm̄e mé bikū Yodaaro. 3 Dii a Luda bé eé d̄bare ae à bikū. Eé borii kè āo kú gween̄o kaateare le à n̄ b̄usu sí. Ȳosua bé eé̄ḡō d̄bare ae sa lán Dii ò nà. 4 Dii é ke borii pin̄on̄e lán à kè Am̄orin̄o k̄inan̄on̄e nà Sīs̄ k̄ōn Oguo k̄ōn n̄ b̄usuo kè à n̄ káate. 5 Dii é n̄ naare

a ɔzĩ, é keńne lán má dìeare nà píngi. ⁶ À a làakari kpáe àgɔ wórɔngɔ vĩ! Àton tó vĩa a kũro, àton tó swè kēagu n̄ yānziro, zaake Dii a Luda bé èe gaaao. Eé a tónlo eé pã kpáaziro.

⁷ Ben Musa Yɔsua s̄isi Isarailinɔ píngi wáa à bène: N̄ ze gbāa ñgɔ wórɔngɔ vĩ, zaake r̄ibe né gá k̄ɔn gbē k̄enɔ b̄usu k̄è Dii la dà n̄ dezi káakunɔne à bè é kpámma guu. M̄be né b̄usu p̄i kpaateteńne. ⁸ Dii bé eé d̄onne ae. Àmbe eégɔ kún̄yo, eé n tónlo eé pã kpánzi zikiro. N̄ton tó vĩa n kũro ñton bídi kero.

⁹ Musa doka p̄i k̄è takada guu à kpà sa'ori Levi borii k̄è aṣégɔ Dii bà kuunańyo àkpati senanɔa k̄ɔn Isaraili gbēnsinɔ n̄ píngi. ¹⁰ Musa yā dìeńne à bè: Wè swēplaplaaa gbera, wè k̄è wè f̄iadeenɔ k̄è Kutadɔna zĩbaagurɔ, ¹¹ tó Isarailinɔ mò wà n̄ zĩnda òdɔa Dii n̄ Ludane n̄ píngi guu k̄è eé sé guu, àgae doka takada k̄èki kyó keńne wà ma. ¹² Àgae n̄ kak̄ɔa, ḡɔgbēnɔ k̄ɔn nɔgbēnɔ k̄ɔn né fétenɔ k̄ɔn b̄amɔ k̄è aṣɔ kú a wétennɔ, le wà ma wà dada, wà e wàgɔ Dii a Luda vĩa vĩ, wàgɔ dokayā p̄inɔ k̄ūna píngi wàgɔ zĩ keea. ¹³ Aṣ né k̄è aṣ yā p̄i d̄ɔroonɔ é ma, aṣégɔ v̄iakena Dii a Ludane dadaa gurɔ k̄è á kú b̄usu k̄è ée bikūu Yodaa à gá sí p̄i guu.

Dii ḡiake à Isarailinɔ b̄ona a kpeε yā ò

¹⁴ Dii bè Musane: N̄ gagurɔ kà k̄ĩ. N̄ Yɔsua s̄isi à gá ze dak̄ɔrekiia, mé zĩ nanɔ a ɔzĩ. Ben Musa k̄ɔn Yɔsuaò ḡaa wà zè dak̄ɔrekiia. ¹⁵ Dii b̄ò à mòńzi gwe t̄eluguu k̄è zena kutaa p̄i kpeεe guu. ¹⁶ Ben Dii bè Musane: Tó n̄ ka n̄ dezinɔla, gbē p̄inɔ é f̄eε wà p̄ap̄aa ke wà d̄ɔ b̄usu k̄è aṣɔe ḡēen t̄aanɔzi. Aṣé pã kpámazi

aõ ma bà kuunańyo yã gboro. ¹⁷ Zĩ pĩa mé pɔ fẽńzi mà pã kpáńzi, mé kpɛɛ lińne wà ń kaate. Kisiano é wí ń musu bíta aõé nawẽanɔ ke. Zĩ pĩa aõé be: Kisia pìnɔ wì wa musu kè wa Ludaa kúwaoro yãnzin yee? ¹⁸ Zĩ pìan mé kpɛɛ lińne yã zaaa kè aõɔ kè yãanzi, aõ aɛ dõ tãanɔa.

¹⁹ Ẹ lè kèkii kè takadan sa ñ dada Isarailinɔne aõ sí, ɛ ãgõ demɛ aõ bɔna ma kpɛɛ sèeda ũ. ²⁰ Tó ma gaańyo b̀usu kè má la dà ń dezi káakunɔne guu, b̀usu kè zwi kɔn zó'io din pì, tó aõ kã wà mè kpà, aõé aɛ dɔ tãanɔame wà ń gbãgbã. Aõé pã kpámazi wà ma bà kuunańyo yã gboro. ²¹ Tó kisia pìnɔ ń lé bíta aõɔe nawẽa ke, lè pì bé eé ń yã zaaa káńne ń ɔzĩ, zaake à yã é sã ń boriinɔnlo. Má yã kè kú ń ǹsen gbãa dõ ai màgõ gáńyo b̀usu kè má la dàńne guu. ²² Musa lè pì kè takadan zĩ pĩa, ben à dà Isarailinɔne.

²³ Dii yã diɛ Nuni né Yɔsuanɛ à bè: Ẹ làakari kpáɛ ñgõ wórɔngɔ vĩ! Mbe né gá kɔn Isarailinɔ b̀usu kè má la dàńne guu, bensõ mapì mégõ kúnyo.

²⁴ Kè Musa dokayã pìnɔ kè takadan à yãa píngi, ²⁵ à yã diɛ Levi borii kè aõègõ Dii bà kuunańyo àkpati senanɔne à bè: ²⁶ À doka takada kèkii sí à diɛ Dii a Luda bà kuunaao àkpati saɛ, ãgõ kú gwe a bɔna Dii kpɛɛ sèeda ũ. ²⁷ Zaake má a swãgbãaa dõ, lán eé gí yãzi nà. Zaa gurɔɔ kè má kúao eègõ bɔɔ Dii yã kpɛɛme ai kɔn à tiaao. Weé ma gaa gbɛra pó o dɔɔ? ²⁸ À a bori gbẽnsinɔ kɔn a dɔn'aɛdeenɔ kakɔame, ɛ mà yã kènɔ dańne ń swãla, ludambe kɔn tɔɔteo égõ dɛ ma sèedadeenɔ ũ a yã musu. ²⁹ Zaake má dõ kè é a zĩnda yaka ma gaa gbɛra, é kè zé kè má òdɔaareea. Beee gbɛra kisia é a le, zaake é yã kè zaa Diine ke, eé pɔ fẽazi tãa kè á kènɔ yãanzi.

³⁰ Ben Musa lè pì yã dà Isaraili kè aõ kakõananõne ñ swála mámmam.

34

Musa gana

¹ Musa b̀ M̄abunõ b̀usu s̀ete à didi Nebo kpiia ai Pisiga kp̄i m̀isõntẽ kè ae d̄o Yerikoa, ben Dii b̀usu p̀i òd̄ane p̀ingi zaa Giliada b̀usun ai Daninõ b̀usun ² k̄õn Nafatalinõ b̀usuo p̀ingi k̄õn Eflaimunõ b̀usuo k̄õn Manasenõ b̀usuo k̄õn Yudanõ b̀usuo p̀ingi ai ísiaa kè kú òfãntẽgẽkpen kpa ³ k̄õn Negevio k̄õn Yeriko daminalide guzureo ai Zoa. ⁴ Ben Dii bène: B̀usu kè ma la dà Ibraĩne k̄õn Isaakuo k̄õn Yakubuo ma bè mé kpá ñ boriinõa p̀in gwe. Má tò n wéε siàle, m̄ode né bikū Yodaa ñ ḡenlo.

⁵ Ben Dii z̀bleri Musa gà M̄abunõ b̀usun gwe lán Dii ò nà. ⁶ Ben Dii à v̄i guzuren gwe Betεpeo kpa. Gbẽkee à mira kii d̄õro ai k̄õn a gb̄aa. ⁷ Musa gà a wè baswεedodee guume. À wéε nna bensõ à gb̄aaa e lagoro. ⁸ Isarailinõ à gè kè gurõ baaakuri M̄abunõ b̀usu s̀ete, ben à gèsosobikena k̄õn óo d̄oo yãa.

⁹ Nuni né Ȳosua pana ònd̄oo kè Musa ò nàa yãzi. Isarailinõ à yã mà, aõ kè lán Dii dà Musane nà. ¹⁰ Annabi kee e b̄o Isarailinõ guu lán Musa bà d̄oro. È yã o k̄õn Diio t̄t̄entẽ ¹¹ bensõ à s̀edanõ k̄õn dabuyã kè Dii à z̄ionõ kè Iyipiti, Fili'auna k̄õn a ìbanõ k̄õn a gb̄enõ ae ñ p̀ingi. ¹² Gbẽkee e yã naaside bita ke k̄õn iko gb̄aaao lán Musa bà Isarailinõ wéε siàle d̄oro.

Luda yá takada kǝn Bokobaru yáó
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5